

**Dr. Emir Tahirović, vanredni profesor, predsjednik Komisije**

Fakultet za upravu pridružena članica Univerziteta u Sarajevu

Oblast: Državno-pravna

**Dr. Nermin Lapandić, vanredni profesor, član Komisije**

Fakultet za upravu pridružena članica Univerziteta u Sarajevu

Oblast: Upravno-pravna

**Dr. Ermin Kuka, docent, član Komisije**

Fakultet za upravu pridružena članica Univerziteta u Sarajevu

Oblast: Državno-pravna

Sarajevo, 06.09.2022. godine

**VIJEĆU FAKULTETA ZA UPRAVU PRIDRUŽENE ČLANICE  
UNIVERZITETA U SARAJEVU  
I SENATU UNIVERZITETA U SARAJEVU**

Na osnovu Zakona o visokom obrazovanju KS, Zakona o naučnoistraživačkoj djelatnosti KS, Pravila Univerziteta u Sarajevu, Pravila Fakulteta za upravu u Sarajevu, Odluke Vijeća Fakulteta za upravu u Sarajevu o utvrđivanju nastavne potrebe za izbor u naučnoistraživačko zvanje stručni saradnik na naučnu oblast „Državno-pravna“ (1 izvršilac) na Fakultetu za upravu u Sarajevu broj: 311-2/22 od 06.06.2022. godine i Odluke Senata Univerziteta u Sarajevu o davanju saglasnosti Fakultetu za upravu na raspisivanje konkursa za izbor u navedeno naučnoistraživačko zvanje broj: 01-9-4/22 od 29.06.2022. godine, dana 15.07.2022. godine objavljen je na web stranicama Fakulteta i Univerziteta u Sarajevu konkurs za izbor u naučnoistraživačko zvanje stručni saradnik na naučnu oblast „Državno-pravna“, na Fakultetu za upravu u Sarajevu, sa datim rokom od 15 dana za dostavljanje prijava na isti.

Na konkurs su se do isteka navedenog roka prijavila 4 (četiri) kandidata: Hazim Okanović, dana 20.07.2022., pod rednim brojem protokola: 442/22, Adna Brkić, dana 21.07.2022. godine, pod rednim brojem protokola: 444/22, Dalila Imamović, dana 01.08.2022. godine,



pod rednim brojem protokola: 448/22 i Emsel Krupalija, dana 01.08.2022. godine, pod rednim brojem protokola: 449/22, što potvrđuje i Potvrda Stručne službe Fakulteta za upravu u Sarajevu broj: 450/22 od 02.08.2022. godine.

Dana 02.09.2022. godine Vijeće Fakulteta je na održanoj vanrednoj sjednici donijelo Odluku broj: 468-2/22, kojom smo imenovani za članove Komisije za pripremanje prijedloga za izbor u naučno-istraživačko zvanje stručni saradnik na naučnu oblast „Državno-pravna“ na Fakultetu za upravu u Sarajevu - pridruženoj članici Univerziteta u Sarajevu.

Dana 05.09.2022. godine održali smo zasjedanje u prostorijama Fakulteta za upravu u Sarajevu, te smo nakon pomnog razmatranja pristiglih prijava na konkurs, konstatovali sljedeće:

Uvidom u priloženu dokumentaciju u prijavama, od ukupno četiri (4) kandidata samo jedan ispunjava sve propisane uslove.

Kandidatkinja Dalila Imamović koja je dokumentaciju predala dana 01.08.2022. godine, pod rednim brojem protokola: 448/22, nije dostavila uvjerenje da se nalazi na evidenciji nezaposlenih u nadležnim službama za zapošljavanje u Federaciji Bosne i Hercegovine. Time je ova prijava evidentirana kao nepotpuna.

Kandidatkinja Adna Brkić koja je dokumentaciju predala dana 21.7.2022. godine, pod rednim brojem protokola: 444/22, također nije dostavila uvjerenje da se nalazi na evidenciji nezaposlenih u nadležnim službama za zapošljavanje u Federaciji Bosne i Hercegovine. Time je ova prijava evidentirana kao nepotpuna.

Kandidat Emsel Krupalija koji je dokumentaciju predao dana 1.8.2022. godine, pod rednim brojem protokola: 449/22, nije dostavio niti jedan dokaz o ispunjavanju uslova i postignutih uspjeha o iskazanim naučnoistraživačkim sposobnostima i uspjesima što podrazumijeva objavljene naučno-istraživačke radove u referentnim bazama, prisustvo na naučno-istraživačkim skupovima, potvrdu o adekvatnom stručnom usavršavanju itd. Time je ova prijava evidentirana kao nepotpuna.

Kandidat Hazim Okanović koji je dokumentaciju predao dana 20.07.2022., pod rednim brojem protokola: 442/22 ispunio je sve propisane uslove u konkursu.

Prema naprijed navedenoj Potvrdi Službe za pravne i personalne poslove Fakulteta za upravu-pridružena članica Univerziteta u Sarajevu broj: 450/22 od 02.08.2022. godine, Komisija je



utvrdila da je kandidat mr. Hazim Okanović blagovremeno dostavio potpunu dokumentaciju, usklađenu sa uslovima iz Konkursa i predviđenu zakonskim propisima i drugim aktima (članovi 29. i 31. Zakona o naučnoistraživačkoj djelatnosti „Službene novine Kantona Sarajevo”, broj: 26/16).

Kandidat mr. Hazim Okanović priložio je biografiju/CV (u štampanoj i elektronskoj formi), izvod iz matične knjige rođenih, uvjerenje o državljanstvu, spisak objavljenih radova sa naznakom autorstva (u štampanoj formi), dokaz o publikovanju radova (tekst objavljenih radova u štampanoj formi i/ili potvrdu o prihvatanju radova za objavljivanje nakon uspješno okončanog double blind peer review procesa), te dokaze i informacije o drugim aktivnostima vezanim za njegovu naučnu i stručnu aktivnost (certifikati o učešću na seminarima, radionicama i konferencijama, dokazi o recenziranju radova).

Na osnovu pregleda Prijave i priložene dokumentacije, Komisija podnosi Vijeću Fakulteta za upravu pridružene članice Univerziteta u Sarajevu i Senatu Univerziteta u Sarajevu sljedeći:

## IZVJEŠTAJ

### 1. BIOGRAFSKI PODACI

Mr. Hazim Okanović rođen je 1985. godine u Tuzli. Osnovno i srednje školovanje završava u Gračanici, gdje 2004. godine završava Opću Gimnaziju „Mustafa Kamarić“. Na Fakultetu političkih nauka Univerziteta u Sarajevu diplomira 9. novembra 2009. godine, čime stiče zvanje bachelor Poslovnog komuniciranja. Na postdiplomskom studiju na Fakultetu političkih nauka Univerziteta u Sarajevu, smjer “Komunikologija“ s uspjehom brani magistarsku radnju 9. novembra 2013. godine na temu “Uloga poslovnog komuniciranja u kreiranju korporativnog imidža HBC Coca-Cola Company Tuzla“. Doktorski studij na Fakultetu za upravu Univerziteta u Sarajevu upisuje 2020. godine.

Od 2005-2019. godine radio kao urednik, novinar i reporter u više medijskih kuća: Magazin Walter, Radio 202, BHRT, Federalna televizija, BH Radio 1, Magazine City Review, Televizija Alfa, Magazin Azra, Maksi revija. Autor je velikog broja članaka i televizijskih priloga. Od 2009. do 2010. godine obavljao funkciju TLTM survey u kompaniji The Coca-Cola Company Sarajevo. Od 2013-2019. godine angažovan kao urednik u produkcijskom odjelu Centra za razvoj kulture i obrazovanja Litteratus (emisija Impuls znanja magazin i



Časopis Student). Urednik je voditelj emisije Administracija u produkciji MMT Production i Centra za cjeloživotno učenje Fakulteta za upravu UNSA. Predsjednik je Udruženja "Centar za javne politike".

Kandidat se aktivno služi engleskim jezikom, koristi se naprednim modulima informacionih tehnologija i posjeduje adekvatno nastavno-pedagoško iskustvo.

## **2. PROFESIONALNI ANGAŽMAN**

- |               |  |
|---------------|--|
| 2020. – 2022. | Fakultet za upravu pridružena članica Univerziteta u Sarajevu, demonstrator/stručnjak iz prakse na Državnopravnoj naučnoj oblasti te saradnik u Službi za odnose s javnošću. |
| 2020.- 2022.  | MMT production, urednik i voditelj emisije "Administracija".   |
| 2005. – 2020. | Centar za razvoj i afirmaciju kulture i obrazovanja "Litteratures", urednik i voditelj emisije "Impuls znanja".  |
| 2009. – 2010. | TLTM survey u kompaniji The Coca-Cola Company Sarajevo.  |

## **3. NAUČNO-ISTRAŽIVAČKI RAD**

### **3.1. Knjige, istraživačke monografije i poglavlja u knjigama**

1. Autor Monografije Fakulteta za upravu u Sarajevu, u izdanju istoimene visokoobrazovne institucije 2022. godine.

### **3.2. Naučni radovi u časopisima i zbornicima radova (peer reviewed journals & peer reviewed proceedings)**

1. Pregledni naučni članak u Časopisu „Uprava“ 1/2020 pod nazivom „Guidelines for combating corruption in the public procurement process during emergency circumstances“. Časopis Uprava je indeksiran u bazama: EBSCO Publishing, CEEOL (Central European Online Library), Research Bible bazi, MIAR – Information Matrix



for the Analysis of Journals, EuroPub – Directory of Academic and Scientific Indexing, Google Scholar, Erich Plus, International Scientific Indexing (ISI), Directory of Research Journals Indexing (DRJI) i OAJI – Open Academic Journal Index. Izdavač časopisa je Fakultet za upravu u Sarajevu.

2. Pregledni naučni članak u Časopisu „Uprava“ 2/2021. koautor na članku „Zakonodavstvo kao uzrok pojave korupcije u organima uprave Bosne i Hercegovine“.
3. U časopisu „Historijski pogledi“ svezak 4, izdanje 6, 2001. objavio članak „Značaj nevladinih organizacija u donošenju javnih politika u Bosni i Hercegovini u vremenu nakon dejtonskog sporazuma“. Časopis je indeksiran u 37 međunarodnih naučnih i bibliografskih baza, među kojima i u onim od svjetskog značaja, poput međunarodne SCOPUS baze, što je između ostalog i potvrda vrijednosti ovog časopisa. Izdavač časopisa je Centar za istraživanje moderne i savremene historije Tuzla.
4. U časopisu Društvena i tehnička istraživanja koautor na članku zajedno sa prof. dr. Emirrom Tahiroviće, i doc. dr. Erminom Kukom „Upravljanje državom i uloga uprave i upravljanja u procesima usvajanja javnih politika“ VII/1, 2021. Časopis je indeksiran u: Index Copernicus International i CEEOL. Izdavač časopisa je Visoka škola „CEPS – Centar za poslovne studije“.
5. Koautor članka zajedno sa Adelom Plakalo i Salaahuddinom Abdibegovićem „The influence of legislation on the occurrence of corruption in the administrative institutions of Bosnia and Herzegovina“ koji je objavljen u E-PROCEEDING 8th INTERNATIONAL CONFERENCE ON PUBLIC POLICY AND SOCIAL SCIENCE (ICoPS) 2021 eISBN: 978-967-14569-4-1 (Publication Date: 27 October 2021) UiTM Cawangan N. Sembilan, Kampus Seremban.

**a. Učešće u naučno-istraživačkim i stručnim projektima**

1. Učestvovao na međunarodnoj konferenciji „8. međunarodna konferencija o javnim politikama i društvenim naučnim pitanjima (ICoPS)“ održanoj 27. i 28. oktobra 2021. godine u organizaciji Fakulteta upravnih nauka i javnih politika (FSPPP) Univerziteta Teknologi MARA (UiTM), Malezija. i izlagao na temu „The influence of legislation on the occurrence of corruption in the administrative institutions of Bosnia and Herzegovina“.



2. Istraživač na naučno-istraživačkom projekatu „Participacija građana/građanki u odlučivanju o javnim poslovima u jedinicama lokalne samouprave u BiH“ od oktobra 2021. do januara 2021. godine u organizaciji Akademije nauka i umjetnosti Bosne i Hercegovine.

## **6. NASTAVNO-PEDAGOŠKI RAD**

Od oktobra 2020. godine izabran je za demonstratora/stručnjaka iz prakse na Državno-pravnoj naučnoj oblasti (predmeti: Teorija države i prava, Javna uprava i nevladin sektor i Lokalna samouprava) na Fakultetu za upravu Univerziteta u Sarajevu, gdje je ujedno i saradnik u Službi za odnose s javnošću ove visokoobrazovne ustanove.

Godine 2021. dobija stipendiju Centra za razvojne evaluacije i društvena istraživanja – CREDI (u okviru programa mreže Inquire Evidence to Policy Hub), kao jedan od pet najboljih studenata doktorskog studija u Bosni i Hercegovini akademske 2020/2021. godine i time stiče priliku za učešće u velikom broju projekata organizovanih u Bosni i Hercegovini i inostranstvu, te komentorstvo na izradi doktorske disertacije prof. dr. Dragane Vidović sa Univerziteta Essex, Velika Britanija.

Pohađao je i uspješno završio TRAIN Program (Training & Research for Academic Newcomers) za akademsko osoblje Univerziteta u Sarajevu, u organizaciji Univerzitet u Sarajevu i Centar za interdisciplinarnu studiju Univerziteta u Sarajevu.

Okanović se nalazi na listi certificiranih trenera Agencije za državnu službu Federacije Bosne i Hercegovine za oblast Individualni program stručnog usavršavanja.

## **7. MIŠLJENJE I PRIJEDLOG KOMISIJE**

Na osnovu analize dokumentovanog naučnog, nastavno-pedagoškog i stručnog rada članovi Komisije za pripremanje prijedloga za izbor u zvanje stručni saradnik na naučnu oblast „Državno-pravna“ na Fakultetu za upravu konstatuju da mr. Hazim Okanović ispunjava sve uslove tražene odredbama Zakona o visokom obrazovanju Kantona Sarajevo i Statuta Univerziteta u Sarajevu za izbor u zvanje stručni saradnik na Državnopravnu naučnu oblast.



Kandidat je objavio pet naučnih radova i to sve u relevantnim citatnim bazama.

Dakle, pored općih uslova propisanih Zakonom o radu FBiH, kandidat mr. Hazim Okanović, ispunjava i minimalne uslove za izbor akademskog osoblja u naučnonastavna zvanja na visokoškolskoj ustanovi koji se odnose na izbor nastavnika u zvanje stručni saradnik, a koji su propisani članom 96. i 115. Zakona o visokom obrazovanju Kantona Sarajevo ("Sl. novine Kantona Sarajevo" br. 33/17) i članovima 194., 201., 202. i 203. Statuta Univerziteta u Sarajevu:

- Diplomu o završenoj odgovarajućoj visokoj stručnoj spremi u odnosu na poziciju na organizacionoj jedinici na koju se prijava odnosi **(VSS) ili Diplome o završenom I i II ciklusu, odnosno integriranom studiju sa Dodatkom diplomu** - original ili ovjerenu fotokopiju;
- Uvjerenje o položenim ispitima sa ocjenama iz pojedinih predmeta **za VSS** - original ili ovjerenu fotokopiju;
- Prijevod/i inostranih diplome/a – original/e ili ovjerenu/e fotokopiju/e;
- Rješenje/a o priznavanju inostrane visokoškolske kvalifikacije ako je stečena u inostranstvu ili potvrdu da je postupak u toku – original/e ili ovjerenu/e fotokopiju/e;
- Biografiju (CV) u elektronskoj i printanoj formi;
- Izvod iz matične knjige rođenih – original ili ovjerenu fotokopiju;
- Uvjerenje o državljanstvu – original ili ovjerenu fotokopiju;
- **Uvjerenje da se nalazi na evidenciji nezaposlenih u nadležnim službama za zapošljavanje u Federaciji Bosne i Hercegovine;**
- Dokaz o iskazanim naučnoistraživačkim sposobnostima i uspjesima (za pozicije stručnog saradnika obavezno);
- Podatke i dokaze o nagradama i priznanjima u vezi sa odgovarajućom oblasti, kao i ostale dokaze ukoliko ih posjeduju;

Na osnovu prethodno izloženih činjenica i informacija o rezultatima ostvarenim u nastavnom, pedagoškom, naučnom i istraživačkom radu, Komisija konstatuje i jedinstvena je u mišljenju da kandidat mr. Hazim Okanović ispunjava sve uslove predviđene Zakonom o visokom obrazovanju Kantona Sarajevo, Zakonom o naučnoistraživačkoj djelatnosti Kantona Sarajevo i Statutom Univerziteta u Sarajevu za izbor u zvanje stručni saradnik na Državnompravnu naučnu oblast, u punom radnom vremenu.



Na osnovu gore navedenog, Komisija, sa zadovoljstvom predlaže Vijeću Fakulteta za upravu pridružene članice Univerziteta u Sarajevu i Senatu Univerziteta u Sarajevu da izaberu


**MR. HAZIMA OKANOVIĆA**

**u zvanje stručnog saradnika na Državnopravnu naučnu oblast.**


Sarajevo, 06.09.2022. godine

**ČLANOVI KOMISIJE:**

Prof. dr. Emir Tahirović , predsjednik



Prof. dr. Nermin Lapandić, član



Doc. dr. Ermin Kuka, član

